



TZITADI METROPOLITANA DE CASTEDDU

SU PALÀTZIU DE S'URREI TORRAT A ABERRI: INTRADAS CONTROLLADAS E ABISITAS GUIDADAS CUN PRENOTATZIONI

Su Palàtziu de s'Urrei de Casteddu torrat a oberri a is abisitadoris pustis de cuàturu mesis chi fiat serrau a su pùblicu po mori de s'emergèntzia de Covid-19.

S'edifitziu stòricu chi fut dimora de sa corti Sabàuda e chi oi est sedi istituzionali de sa Tzitadi Metropolitana de Casteddu, s'at a podi torrai a biri de Sàbudu su 01 de su mesi de Austu, dònna dii de is dexi de a mengianu a is seti de a merì (10:00 - 19:00), cumenti is oràrius po s'istadi de is àterus annus.

Cunforma a is dispositzionis vigentis, is intradas ant a essi controlladas po non prus de 10 personas impari, ponendi-sì sa mascherina e igienizendi-sì is manus cun su gel a disponimentu in s'intrada (chi a ta essi controllada de un operatori).

Àterus inditus s'ant a donai cun sinnialètica apòsita. Su billetu s'at a podi pigai in sa billieteria chi est in s'imbudada de su palàtziu, e is abisitas cun guida spetzializada si podint fai scèti prenotendi ainnantis, tzerriendi a su nùmuru 070 4092010 o criendi una lìtera eletrònica a s'indiritzu prenotazionipalazzoregio@proservicespa.com

Àterus informus si podint agatai in su situ internet de sa Tzitadi Metropolitana de Casteddu e de sa sotziedadi partetzipada chi gestiscit su servìtziu: Proservice Spa.



https://www.cittametropolitanacagliari.it/web/cmdca/-/il-palazzo-regio-riapre-ai-visitatori-ingressi-contingentati-e-visite-guidate-su-prenotazione?redirect=%2Fweb%2Fcmdca%2Fnews%3Fp_p_id%3Dcom_liferay_asset_publisher_web_portlet_AssetPublisherPortlet_INSTANCE_zyhFV4EOztUQ%26p_p_lifecycle%3D0%26p_p_state%3Dnormal%26p_p_mode%3Dview%26_com_liferay_asset_publisher_web_portlet_AssetPublisherPortlet_INSTANCE_zyhFV4EOztUQ_delta%3D5%26p_r_p_resetCur%3Dfalse%26_com_liferay_asset_publisher_web_portlet_AssetPublisherPortlet_INSTANCE_zyhFV4EOztUQ_cur%3D1